

奉佛等事 功德奈空 廣南 莊嚴 經 卷 第 四 十 二  
大德五年辛丑九月 日 謹題

大德五年辛丑九月 日 謹題

經律異相卷第四十二 啓二

梁沙門僧 曼寶唱等集

居士部

瓊茶財食自長聞法悟解一

郁伽見佛其醉自醒受戒以妻施人二

魚身得富緣三

閻利兄弟以法獲財終不散失四

居士子大意求明珠五

瓊茶財食自長聞法悟解一

跋提城有大居士字曰瓊茶彌沙塞律 作文茶饒富

珍寶有大威力隨意所欲周給人物倉中有

孔大如車軸穀米自出婦以八斗作飯飼四

部兵及四方來者食故不盡其兒以千兩金  
與四部兵及四方乞者隨意不盡兒婦以一  
裹香塗四部兵并四方來乞者隨意令足香  
故不盡奴以一犁日耕七壟出米滋多其婢  
以八斗穀與四部兵飼馬馬食不盡家裏共  
爭各言是我福力瓊茶詣佛頭面作禮出四律

三分第 四分曰誰力佛言汝等共有昔王舍城有  
一織師織師有婦又有一兒兒又有婦有一  
奴一婢一時共食有碎支佛來就乞食各欲  
當分捨與碎支佛言汝等善心皆各已捨可  
又減少許於汝不在我得足即共從之碎支  
食已於虛空中現諸神變然後方去織師眷  
屬捨於壽命生四天王天至于他化展轉七  
反餘福生此瓊茶聞之即請佛僧修無限施  
若有所須隨時多少皆從我取諸比丘不敢  
受白佛佛言聽隨意受後諸比丘行從索資  
振遣使賣金銀隨逐行處多有所長賣還長  
者長者言我已捨竟不應將還出彌沙塞律 四分十誦皆

其文

郁伽見佛其醉自醒受戒以妻施人二

郁伽居士醉姝女圍繞在毗舍離大林中遙

見世尊在樹間坐端正殊妙根意息定光如

金聚見已醉解至世尊所却坐一面佛為分

別四諦得無畏法頭面禮足我歸三寶作優

婆塞受持五戒還至本處告眷屬曰汝今當

知我從世尊受戒若欲樂者行施作福若不

樂者各還親里我當放汝時最大夫人日子

從世尊盡命受戒有某人當以我與彼作婦

彼時居士便呼彼人以左手持夫人右手執

金澡罐語彼人曰我以此最大夫人與汝作

婦彼人驚怖毛豎語郁伽曰居士不欲殺我

耶荅言不也我從佛盡命行梵行故以大婦

用與汝終不變悔

出中阿含第九卷

魚身得富緣三

昔有大姓常好惠施後生一男無有手足形

體似魚名曰魚身父母終亡襲持家業寢卧

室內又無見者時有力士御王厨食恒懷

乏獨牽十六車樵賣以自給又常不供詣此

四姓求所不足魚身請與相見示其形體力

士自惟我力乃介不如無手足人往到佛所

問其所疑佛言昔迦葉佛時魚身與此王共

飯佛汝時貧窮助其驅使魚身所具與王行

之而謂王言今日有務不得俱行若行無異

斷我手足時行者今王是也不行言者魚身

是也時佐助者汝身是也力士意悟即作沙

門得阿羅漢道

出舊譬喻經上卷

閻利兄弟以法獲財終不散失四

昔石室城內有三居士一名閻利二名補陀

滿三名婆波那此三人親兄弟也多財饒寶

象馬七珍有一婆羅門持伊羅鉢龍齋冀望

富貴龍現身語婆羅門汝今何為勤苦斷穀

除味在此持齋為何所求婆羅門曰冀望大

富龍曰吾有二号一名伊羅鉢二名財無厭

既名無厭復從吾求耶婆羅門曰設不惠者

啓三

三

便即命終龍出紫磨好金以報之城門有豪  
富長者出自天竺汝以金與從求財物長者  
見之告語藏隱勿令人見告其五親飲食歡  
娛藏金庫內庫內雜物盡復入地還彼龍庫  
左右七家財物如是三居士聞之自相謂言  
我等三家以法所獲財致不枉濫五家所奪

國人聞之謂為誇談共集三家問居士曰卿  
以法獲財致不濫失何以爲證時三居士各  
出十斤金分爲六段將諸人民及七家失物  
主往至龍泉以金投水水皆涌沸猶如鑊湯  
龍王驚懼即遣龍女出金還之報謝使還從  
法得者以理成辦終不爲五家所侵欺非法

藏財者如彼七家

此北方  
經

居士子大意求明月珠五

昔有國名歡樂無憂王号廣慈哀國有居士  
名摩訶檀妻名梅陀生一子姿容端正世間  
少雙墮地便語發誓願言我當布施天下救  
濟人民有孤獨貧窮者我當給護令得安隱

父母因名爲大意見其異姿不與人同恐是  
天龍鬼神欲行卜問大意知之便報言我自  
是人非天龍鬼也但念天下人民窮厄者欲  
護視之耳說此意便不復語至年十七乃報  
父母言我欲布施苦人今得安隱父母念言  
子初生時已有是願便告子言吾財無數恣

意施與不相禁制大意報言父母財物雖多  
猶不足我用唯當入海採寶以給施天下人  
民耳數言如是父母乃聽大意入海道經他  
國國中有婆羅門財富無量見大意光顏端  
正甚悅樂之告言我相敬重今有小女欲以  
相上願留止此大意報言我辭家入海欲採

七寶未敢相許且須來還於是遂進採寶即  
遣人持寶還其本國轉復到海際求索異物  
忽見一大樹高廣八十由延大意便上樹遙  
見一銀城宮闕殿舍皆是白銀天女侍側妓  
樂自然有一毒蛇繞城三匝見大意便舉頭  
大意自念言入爲毒所害者皆由無善意耳

卷三

四

而便坐自思惟須臾蛇即低頭睡卧大意欲入城守門者便入白王言外有賢者欲見於王王身自出迎之歡喜而言唯願仁者留住此一時三月得展供養答言我行採寶不宜久留王報言我不視國事唯願暫留大意便止王即供設衣服飲食伎樂牀卧之具乃竟九十日大意辭王欲去王便取珍琦七寶欲以送之大意答言我不多用是七寶聞王有一明月珠意欲求之王言我不惜是珠但恐道路艱嶮難以自隨大意言夫福之將人不畏艱嶮王言此珠有二十里寶自隨願我為弟子得給供養踰於今日也大意便受珠而去於是大意前轉行見一金城宮殿舍宅皆黃金七寶之樹自然妓樂天女侍從轉倍於前亦有毒蛇繞城六匝蛇見大意舉頭視之後坐定意蛇復低卧大意欲入城守門者入白王王即出與相見請前語言留一時三月展於供養大意便止王待過如前經六十日

辭去白王聞王有一明月珠願以見惠王答如前四十里中珍寶追之便以貢上仁者後得道時願為弟子神足無比得展供養過於今日受珠而去大意復前行又見一水精城宮闕殿舍事事如前亦有一毒蛇繞城九匝低頭睡卧王出迎之願留三月大意即住王復盡意供養施設飲食衣服妓樂乃歷四十日辭去白王聞王有一明月珠願以見惠王便報言此珠有六十里寶自然追之便以上仁者若後得道願為弟子智慧無比當復供養過於今日便受珠而去前行復見一琉璃城亦見一毒蛇繞城十二匝低頭睡卧王出迎請乞留三月大意即留王身自供養飲食衣服妓樂以娛之乃歷三十日辭去白王我聞王有一明月珠可以見惠王言此珠有八十里珍寶追之便以上於仁者後得道時願我為弟子淨意供養過於今日令長得智慧大意受珠而去念言吾本來求寶今已如志

卷一

五



當從是還便尋故道欲還本國經歷大海大海中諸神王自共議言我海中雖多眾珍名寶無有如此輩珠便勅使海神要奪其珠神便化作人與大意相見問言聞卿得奇異之物寧可借視乎大意舒手示其四珠海神搖其手使珠墮水大意自念王與我言道此珠

難保我幸已得之今為此子所奪非趣也即謂海神言我自勤苦經涉險阻得此珠來汝反奪我今不相還我當杼盡海水耳海神知之問言卿志奇高海深三百三十六萬由延其廣無涯柰何竭之如日終不墮地如大風不可攬束日尚可使墮地風尚可攬束大海水不可杼今竭也大意笑答之言我自念前後受身生死壞敗積其骨過於須彌山其血流五河四海中足以喻吾尚欲斷是生死之根本但此小海何足不杼我昔供養諸佛誓願言令我志行勇於道決所向無難當移須彌山竭大海水終不退意便一心以器杼海

水精誠之感四天王來助大意杼水三分已二於是海中諸神王皆大震怖共議言今不還其珠者非小故也水盡泥出壞我宮室海神便出眾寶以與大意大意不取告言不用是輩但欲得我珠耳促還我珠終不相置也海神知其意盛便出珠還之大意得珠過取

卷二

六

婆羅門女還其本國恣意大布施自是後境界無復飢寒窮乏者四方士民皆去其舊土襁負歸仁如是布施歷載恩逮蚰飛蚊行蠕動靡不受潤其後壽終上為帝釋或下為飛行皇帝積累功德自致成佛三界特尊皆由宿行非自然也佛告諸比丘大意者我身是時居士摩訶檀者今現悅頭檀是時母梅陀者今現夫人摩耶是時歡樂無憂國王者即摩訶迦葉是時婆羅門女者俱夷是時女父者彌勒是時銀城中王者阿難是也時金城中王者目犍連是時水精城中王者舍利弗是也時琉璃城中王者須陀是也時第四天

王助大意杼海水者即優陀是也時奪其珠者即調達是也時四城門守者即須臾盤特蘇曷拔拘留是時繞四城毒蛇者即共利酸陀利四臣是也阿難白佛以何功德致四明月珠衆寶隨之佛言乃昔惟衛佛時大意嘗以四寶為佛起塔供養三尊持齋七日是時有五百人同時共起寺或懸繒然燈者或燒香散華者或供養比丘僧者或誦經講道者今皆來會出大意經

七末

經律異相卷第四十二

啓二

瓊茶上莫自長下音郁伽上於飼音寺壘力勇

襲音晉樵反自枉攬下上無涯下音取音婆上音穢反音躄音  
反兩速代音峭飛綠上蚊行祇上取音穢反音酸反音  
反兩速代音峭飛綠上蚊行祇上取音婆上音穢反音躄音  
反兩速代音峭飛綠上蚊行祇上取音婆上音穢反音躄音

經律異相卷第四十三

啓三

梁沙門僧旻寶唱等集

估客部

波利得海神瓊瑤上王王及夫人共  
以獻佛一

善求惡求採寶經飢樹出所須二

師子有智免羅刹女三

彌蓮持齋得樂踏母燒頭四

弟納兄妻後悔為道兄射殺弟矢反

自害五

薩薄燃臂濟諸估客六

薩薄欲買取五戒羅刹不能侵七

商人共鵠生子子皆得道八

衆賈飢渴天人指開降八味水九

商人驅牛以贖龍女得金奉親十

估客為羅刹所縛十一

賈客採寶救將死人十二

二賈客採寶貪者沒命廉者安全十三